



00213

愔園文集卷第九

詩

碧山集

下

聖駕南巡詩

十首有序

皇帝撫辰凝績於今二十有八年三靈協應五行

順序維此萬方百姓常軫

聖衷蚤作夜思勤求上理乃者河淮濬治未告底

績在廷臣工並請

至尊臨視加以東南吳會閭閻噎財賦奧區屢

煩宸念省方之典於是乎舉攝提

指陬蒼龍首駕預頒詔旨申誠百司精

二百五十八

愔園集卷九

一

十五

騎輕舟刻期往返減儀衛罷儲侍免田

租課吏職勞戎役興學校禁未作勤農

功寬關吏之征釋青災之獄勤恤民隱

細大不遺是以車駕所過通都大邑

之交山涯水滌之僻其扶老攜幼而迎

送者以千萬計自三五以來觀民設教

行慶施惠未有若斯之盛者也時則窮

禹跡而念平成溯淮沂而思俾乂烝徒

載楫鸞輅斯旋觀黃淮之消長識河

漕之表裏睿慮經營一朝而決洋洋

乎洵不世之訐謨無前之偉烈矣臣出  
入承明職司著作際 神聖之朝沐太  
平之化戴恩感遇述事抒情恭賦五言  
十章美 盛德之形容紀 成功於簡  
冊竊附古大夫列士獻詩之義詩曰

皇帝總六合釀化流無垠二十有八年勤思在烝  
民聲教四海洽景曜中天陳猶慮寰宇門謠俗儻  
未醇水土失安宅嘉種鬱不申爰稽時巡典臨軒  
召統均農父及圻父暨茲都水臣 鸞輿將南邁

施澤當陽春冥風行地上屬車無停輪宿春預儲

懽園集卷九

二

上玉

侍行庖却竒珍莫遣市籬肆寧令農輟耘 王度

式金玉 王言如絲綸昭回一以煥萬國彌尊親

則壤自禹甸總秸輸萬方馨香奉 郊廟京坻峙

神倉 聖皇憫農作三時犯炎霜疾耕供惟正遺

稌藟蓋藏沛澤時旁流 軫恤逮窮鄉蠲租無虛

歲策府垂芬芳孟春參旗中 龍旆啓青陽輕鑣

過樂源 駐蹕農圃場 天語溢春温垂詢及蠶

桑從容諭父老無出明年糧稽首呼萬歲揚聲薄

穹蒼眷茲大小東淑氣迴勾芒杼軸無復歎珮璲

盈篋筐

揚越號輕心鮮裝競馳逐飯稻而羹魚斗儲無餘  
蓄僭竊更來居無藝供腴剥沿流三百載舊章靡  
由復徵賦甲天下民生得無感逋縣累億萬徒勞  
事捶扑長吏拙催科報罷如轉轂 仁皇憫其然  
溫吹煦寒谷久近悉弘貸一旦空案牘下戶慶更  
生笑語捧饘粥更求宋氏籍誰爲妄盈縮什一訪  
前規均平追禹服殊恩行度外含氣蒙字育曠然  
樂更始咸與登醇樸侍臣稱萬壽係極斂五福

日 皇衷澹容與乾行自無息春燈芙蓉水曉霧

凝罕畢行行抵吳門引領西陵驛居人覩翠華羅  
拜擁金策願挽汾陽駕一駐寒香窟許爲信宿畱  
勞撫同嬰赤緬彼夏禹陵歸焉稽山側平成奏鴻  
烈千載垂軌迹涉江一瞻拜所在止 警蹕介珪導  
誠慄盼嚮通咫尺

季札勾吳彥言偃文學科後賢踵厥武比屋誦讀  
多塗山啓玉帛赤社爰承家濟濟越妙士藻思蒸  
雲霞宏羅歲歲施徵求遍幽霞蘊采猶潛淵貞蕤  
尚韜華 昌朝重髦譽顧此心孔嘉廣收東南美  
竹箭及丹砂飛翔就皇路班班連大車

勤哉荷戈士遠戍江海垂本是羽林兒采薇歌出  
師八荒旣蕩定四海偃戎旗腹心寄干城爪牙職  
莫違秣陵稱重鎮諸越號禦兒雄要自古然桓桓  
懼國威 鳴鑾方順動負羽夾道馳雷鼓警宵衛  
霜仗迎晨暉勤勞荷帝眷 溫諭下所司杓柄有  
挹注文武互張弛天下已治安儆戒不忘危濊澤  
旣以弘共慶昇平時歡聲騰挾纊再見東山詩  
結髮行事君詔祿荷君惠論官服一命受此民社  
寄夙興治簿書難燭督井稅章程小愆違鑄責應  
手至 聖皇體群臣見鉅不遺細矧茲勤省方乃

忘負弩吏治道按郵籤望塵還擁篲趨步亦孔勞  
敬慎懷悚悸鑒燭幽隱亦今得露賜任職予一  
階不稱弘貸貫赤紱爭自勸報塞媿無地庶效古  
廉平蒼生普蒙利

蒼生 帝所念吳越重征輸酌損以益下亦旣蠲  
其租鑿輅鏘鏘來八神警前驅鹵簿曠不設扈從  
皆撤除群生得瞻仰老穉歡相扶 至尊霽溫顏  
止輦問所須瀕河見挽卒長綽亘泥塗何以郵其  
勞長吏哺用舖因念岸獄中幽夜獨向隅弘以泣  
罪仁釋之令改圖嚴飭吏受賕斷獄無偏頗錐刀

爭旣息卧覺咸睚盱服賈牽車牛貿遷通有無輸  
權詣關吏往往滯津塗嗣今速省遣四海皆康衢  
皇仁溥六合羣品共沾濡大廓九州外小不遺一  
夫一夫無不獲 皇心庶其愉

黃河徙而南其來亦云久齧桑移漢代六塔旋爲  
藪今茲合長淮悍勢競東走地道有變流盈虧互  
翕受節宣貴以時潤下疇居首海陵饒積粟自古  
稱殷厚一自洪波餘樓苴散林阜疏淪厓 皇衷

南東畝時巡肅駕廻登艫望海口坎德祇旣  
成倚我 后咨爾江鄉民茲事信非偶會見

千斯倉康衢歌大有

懋圖集卷九

五

聖主代天工 睿圖協洪運風詩採列邦下民逮

清問首春爰啓行東后群肆覲二月戒 回鑾龍

旂辭浙境春湖有魴鱖雕俎不暇進春谷有蘭蒨

華佩不暇紉景物非所觀所觀在民隱萬里煦春

溫千里裛河潤下民戴高厚刻石頌 明聖 皇

命趣止之何乃煩百姓詞官職珥筆紀此質神聽

孝懿皇后輓詩

四首

桂觀繁絲歇璇宮一葉飄絳河沈七夕寶婺坼中  
宵彩翟排雲上銀蟾傍月遙還思奉 長信早晚

侍三朝

嬪室初來日含章美在中四星輝戚里三月教公  
宮那見虹消雨虛疑鳳下空千門簪白柰掩淚過  
椒風

溫惠全坤德沈縣感 睿心頻年虛盛典此日嗣  
徽音名鏤若華瑄儀隆璫璫鏡寧無韓晉國哀此  
慰重陰

靈藥求難得金缸曉尚凝鏡奩雕几設月觀 翠  
華燈燎寢嚴緹騎除門度玉乘壽原陪 兩后神  
爽庶依憑

聖駕南巡歌

十首

瞻園集卷九

六

世

平明大駕出離宮南苑旌旗動曉風十二羽林森  
列仗角樓初映海霞紅

合殿花燈燦九微太平天子勵宵衣蒲青杏白籌  
農事不爲宸遊駕六飛

揚州沃土待隨刊水國精靈尚屈蟠不用潯陽射  
蛟弩太陽迴照即安瀾

煙邨土鼓正迎年夾道欣瞻舜日懸叢社更休勤  
父老春風只在羽旗邊

翠霄垣極儼紗羅閣道橫斜跨玉河太乙乍臨闈

闔外斗牛星畔五雲多

鸞旗幾日過淮南春到平山翠霧含萬國更看陳  
旅百五湖欣得近魁三

江口金沙有漩流二龍常自捧龍舟潮頭不復如  
銀屋散作仙雲護九旂

晝畫湖山翠輦停梅花如雪覆香涇洞天禹跡  
依然在定獻靈威嶽瀆經

百谷朝宗靜海濤靈芝華蓋簇金旄江蘼的礫雙  
珠子夜吐涼輝照御袍

春風送喜近龍顏宮築宣房漢帝還江水只今  
成太液琪花真欲滿三山

二見七

儋園集卷九

七

子佩

同太宰說巖公出

昭德門見蹴鞠者賦

之

蹴鞠流傳河朔風羽林角勝殿門東漢宮技奪彈  
棊巧秦塞軍爭舞槊雄蚤日蹒跚清陞上閒時踞  
戲廣庭中低昂百步隨人轉那許飛騰向碧空

送黃圭一歸爲黎洲先生壽

家傳博古號青箱大鳥猶聞世德長一自乾坤畱  
黨籍至今風雨護刊章相逢喜說申公健歸去應  
攜薊子方賸有菖蒲勝水玉封題應許寄山堂



送萬季野南還

霜花醪酒送君還，邸舍相依十載閒。  
慣對卷編常病眼，與談忠孝即開顏。  
折衷三禮宗王鄭，泚筆千秋續馬班。  
蒲筴獨驅驚歲暮，凍雲寒雪滿江關。

送翁寶林

司空得請嚴裝日，柳色龍池尚蔚藍。  
聽漏幾年趨闕下，揚帆七月到江南。  
鷗沙過雨應無暑，鱸膾迎秋漸欲甘。  
無恙五湖憑問訊，夢中煙樹碧于簪。

奉懷江邨宮端扈從

軒皇訪具茨，結轡襄陵野。  
昌寓旣駢乘，謂朋亦前

三百六

脩園集卷九

八

子佩

馬江南二月時，風光正韶冶。  
翳我同心人，日侍金輿下。  
橫汾有逸吹，蘭翰時森灑。  
于喁賡元音，鏤管應勤把。  
宸襟廓無外，懿網覆函夏。  
閭闔雖崇嚴，所安非旃厦。  
方將溥嘉惠，延恩逮鰥寡。  
前席問蒼生，陳詩首幽雅。  
仰成在聲教，風行捷炙輶。  
鶴鳴和在陰，中孚理匪假。  
吳宮邈遺跡，霜烏紛啞啞。  
層峰拂湖翠，過雨紅泉瀉。  
鄉關入遠夢，退直想浮竿。  
念舊兼懷人，短章聊自寫。

鄭少司寇生日

二首

同作中朝執法臣，獨彈古調倍相親。  
密裁封事霜

猶在虛聽爰書棘尚新杞梓有材勞大匠驂駟欲  
相媿方歎放閒兩月踈人事猶爲稱觥雜衆賓  
仙舄江臯治績傳巨源啓事最稱賢蒼生祝爾登  
三事蒜髮交君過十年直道那能裁脰短孤標未  
肯破觚圓家鄉近接文公里講舍谿山晚照邊

送查德尹

君家兄弟盛才賢濯錦文瀾漾海天魯國孔融年  
最少鄴中王粲賦先傳車廻廣武山如戟舟渡茅  
津客似仙遲爾他年麟木對好尋繻帛漢關邊

和陳尚書晚春下直之作

三才

懷園集卷九

九

祥麟

無計飛騰奈若何穠花此日又蹉跎聞雞月似初  
弦上待漏車同流水過衰病欲侵官謗積芳春漸  
老客愁多尚書才氣推無敵欲鑿南山作浩歌

送同年李厚菴學士和院長說巖先生韻

陳情拜表閣門通淺碧遙天度遠鴻萬里川塗三  
伏後千秋名節一編中遙知洛涘輕軒穩聊記征  
西祖帳同早晚騰書罷橫海 廟堂久已眷孤忠

和尚書說巖先生馬上口占韻

休說天門虎豹關朝聽鈴索暮方還交情今日思  
王貢史筆誰人繼馬班筋力就衰慚補報醉吟乘

興託疎頑何當接席雲霄裏晝漏遲遲永日閒

送汪舟次出守河南

憶遇章江尚褐衣聲華海內似君稀彤墀受詔千  
言就碧海銜恩萬里歸治郡須才辭禁掖披圖覽  
古是王畿故人十載同詞館祖帳郊門手重揮

贈陸翼王

耆舊當今碩果稱如君經術有師承蚤年講舍依  
黃憲壯歲門徒似李膺老眼平生書萬卷旅懷蕭  
瑟酒三升別予一棹江南去棘固他時聽詔徵

送翼王口占三絕句

三首十一  
愴園集卷九

秋風舴艋指程遐客裏攜書尚一車精衛勞勞樹

祥麟

水石何時滄海藝桑麻

考禮談經邁鄭王如君今日魯靈光孝先已是便  
便腹鑿壁無須夜讀忙

羗予束髮購奇書藏弄年來萬卷餘君到定應開

閣待清尊寒月步欄初

崇邨先生齋中與諸公坐

退朝日午聽鳴騶槩几晴窓事事幽政簡卷簾常

晏坐晝長載酒許從遊家傳寶繪王丞相

王方慶王  
導之後家

架滿牙籤李鄴侯人世閒情都遣盡漫勞蠲

有累朝  
圖繪

忿與忘憂

庭前有合歡  
護草故名

贈高澹人學士 二首

朱霞迴天半鬱鬱承明廬虹梁亘蜿壇太液涵碧  
虛策馬日夕過倬直忘居諸喬皇挾天藻沈鬱著  
異書解經勝匡相作賦伴相如非徒富文翰獻納  
尤勤劬忠孝關至性樸學寧迂疎持橐事 聖明  
素志一以攄 鑾輿適巡幸朝朝趨玉除急驛進  
講義得奏 天顏舒積歲無休沐清切依 宸居  
猗與青雲業致主躋唐虞

芝蘭生幽阿發爲王者香松柏蟠地底挺立千仞

憺園集卷九

祥卿

罔同心古所喻後彫聖所臧嗤彼夸毗子意氣徒  
慨慷榮華盛顏色炫耀矜衣裳緬懷谷風作盡怨  
重歎傷感茲磐石固久要安可忘秋飈拂庭柯明  
月映屋梁徒倚不能寐伴此書滿牀企首限禁垣  
相望各一方攬袂步前除草露秋灑灑

送許筠菴給諫假歸廣陵

禁柳陰濃鶯亂啼長條攀折向隋隄香生汗簡畱  
梧掖春老蘼蕪到竹西驄馬共推人諤諤青袍不  
妒草萋萋朝陽若待成高託終遣黃門老鳳棲

飲楔祝園分得引字

幽薊涉暮春餘寒苦未盡經時嬰末疾蹶躄類絕  
臚茲辰病良已被水競發軫羣公已單袷我裘猶  
縮窘舊遊農壇西紫閣鬱連吟入門問丘壑憑欄  
紆勝引山勢遙青青水脈流演演陶然醉一觚衰  
頽足嘲哂捷給上林簿羌子謝不敏寥廓翔鴻鵠  
泥塗安蛭蟻並託造化內所悲在疾疾即景聊盤  
桓日晚風逾緊閏月後會期開尊待櫻筍

送同年張南溟少宰

二首

曾從席帽識儀型瞥眼京都二十齡魯直聲名歸  
省闈山公品藻在朝廷鵲華積翠畱棠樹濟漯分

三百五十二  
愴園集卷九

伴脚

流辨水經秘閣正資君博識一時惆悵送征輶  
丹陛晨辭戀闕深玉河北望卸朝簪辭榮爲有松  
楸願避俗曾無猿鶴心暑退晚笳移水驛涼生落  
葉響秋砧莫尋丁卯風流迹蚤有鸞書下碧岑

贈錢飲光

別子皖口十經春京國相過意倍親詩句還如長  
慶體風流宛是義熙人據鞍顧盼風生腦入座談  
諧酒污巾博物君真荀濟北可憐斯世有勞薪

請告得

百畱別諸公

三首

蕭蕭白髮滯長安此日都亭擬挂冠入世艱虞憂

履虎當門芳馥怕鋤蘭一官雞肋中情淡萬卷牛  
腰遠道難最是君恩如海岳禁庭回首涕汎瀾

螭頭簪筆十年餘滾滾群賢共直廬愁讀子期思

舊賦潛菴經堂玉階詞菴樞臣孝儀諸公俱下世喜聞中散絕交書錢飲光韓元少屬書勸歸

勸人恬退嘗招隱媿我衰遲始遂初從此五湖深

處路龍威林屋好安居

陳情拜手出金扉秘殿縹緗許帶歸冠蓋同時都

惜別吏人三館亦霑衣兒曹勗勉惟忠孝愛弟攜

持共瘦肥此去只餘公論在平生那有寸心違

將出都作 三首

儋園集卷九

詔書許返五湖陰待 命依然入禁林 賜坐温

顏 天表近掣鈴異寵月華深直廬在月華門東南宸章捧

出香盈袖 恩旨宣時淚滿襟雙聳岵堯丹鳳闕

能無葵藿向陽心

筮得屯遭未即行堯蓂三落又重生忽看別館繁

花發驟聽嚴城畫角聲都城三月鼓角習射光祿頻將月俸給

中涓時向閣門迎祗慚衰鈍毫無補敢望遭逢千

載榮

冬日輕裝理敝裘青陽冉冉尚淹畱春苗經雨麥

攢檠社燕依簷月上鈞兼兩圖書先驛道偕行賓

從半蘭舟紛紛別讌添愁思金鏤銀船醉不休

雙燕十六韻寄太宰澤州先生

雙燕隨春社年年向桂宮風光原自好際會恰相同  
出入丹霄裏差池紫禁中詎知姿本薄稍喜語能通  
暖日千門麗繁花複道紅爐香低掩冉鈴索  
細丁東兩兩依斜月騰騰逐曉風銜泥隨綺榭  
啜食並珠櫳託蔭逢嘉運酬恩矢寸衷倚歌聲宛轉  
蹴影舞玲瓏巢壘營看穩毛衣養漸豐長當稱比翼  
忽復歎飄蓬茅屋棲偏隻雕梁跡半空離群思  
惘惘感舊意忽忽飲啄安微命生成仰化工從茲  
顯晦異好謝百花叢

三万卅

澹園集卷九

子佩

奉和江邨題壁二絕

白溝驛路值清明青綺纔離三日程所過莫疑軒  
冕客餘生已分老巖耕

題壁銀鈎照眼明故人歲晚度歸程別時記得燈  
前語海曲湖灣約耦耕

陳子萬見訪阜城

八年勞吏尚朱顏匹馬尋予瀛景間三世聲名傳  
黨錮半生牢落隔鄉關揮毫對客詩才健飛鳥如  
仙訟牒閒似爾祇應升省闈漫懷善卷舊棲山

禹城

停車尋舊蹟到驛算歸程綠雨平原郡穰桃晏相  
城酒漓消恨淺裘敝御風輕便欲埋名姓何勞負  
弩迎

上巳

芳辰逢上巳高會記齊河瀟灑梧鐺設從容節蓋  
過聊爲浮洛飲即此濯纓歌馬首斯須別難忘灤  
水波

春風

芳春已過半燕趙多寒颶鞭車直踰泰山路晝靄

二乃芳

懽園集卷九

祥卿

始覺春風吹春風吹在何許三江畫舫垂青縷層  
曲樓臺吟白苧我生多幸脫朝衣值此芳時尚未  
歸春燕雙雙舞春花處處飛春光一瞬不貲價東  
皇那肯停驂駢戴顛溪舍尚無恙載酒聽鸚醉落  
暉

蒙陰行爲陳惕若明府并示李德中少卿

蒙陰古嶺史城小地屬魯東去鬱岡阜割入青州  
部拾繭與採茶民俗恒惰窳春耕秋射獵猛悍本  
風土明府關中賢期月稱召杜日夕絃誦聲居然  
興百堵適來此地道左迎郵亭駐馬月魄生秉燭



邀子過齋閣掀髯抵几談更深比鄰恰是李卿宅  
神龍蟠伏負盛名海棠三五植小院歸巢朱燕啣  
啾聲我友姜肱南董筆十年史局討論密同還被  
命治丹鉛羞澀空囊如趙壹相逢茲夕樂事兼  
茅堂土銼使君廉斜月低沈飲無算堆盤錯落惟  
晶鹽自笑平生未登岱空羨神仙餐沆瀣姜君生  
長蛟海邊開口便思覓鮭菜主人長跼陳區區荒  
城草具兼饌無斟來魯酒本宿酤仲尼何妨傾百  
觚寥寥宇宙誰吾徒吾今不飲何爲乎雞鳴拱手  
上車去泚筆記此心煩紆

三百六十二

澹園集卷九

六

洋脚

山居作

三首

湖山佳處靜安居且喜門無熱客車伍相祠邊吹  
角晚莫稜稜峰際墜梧初舞樓寂莫吳趨曲戰壘消  
沈越絕書玉柱金庭何處是閒時行樂問樵漁  
窈窕仙梯澗路通西山儼對玉芙蓉名園瀲灩通  
湖水蕭寺陰陰夾道松終古碧波吞日月三秋銀  
練舞魚龍他時橘熟霜楓晚一片紅林曳短筇

青尊白紵未消愁漫說徐公百不憂抱樹蟬號層  
嶺月颭風菰熟五湖秋千年書秘龍威洞一葉人  
傳范蠡舟便擬問津銀漢曲碧城好與列仙遊

贈曹子清

涉秋已彌旬執熱甚中夏清風渺難御赫曦如渥  
赭巖棲非不深編摩無休假目疲銀海枯腕脫白  
雨瀉消埃豈云報感恩淚盈把願言思所欽豪蕩  
俗情寡蕭閒少公事萬卷擁廣廈齋閣比蓬壺高  
吟復瀟灑何日探林屋披襟一閒寫

贈葉敷文

徵君高躅苦辭榮驃騎何如第五名籬菊傲霜堅  
晚節巖松臨水駐幽情著書一代畱文獻釋勸當  
年重老成白髮憐子方解紱好儲春酒會耆英

喜金介山至

昨歲銜恩笠澤還一時嵇呂那能攀忽傳佳唱蘋  
洲句遂枉高軒橘社間小海棹歌看劈浪雙絢蠟  
屐愛遊山酒酣談笑寧知倦花落清齋盡日間

感懷示唐實君繆虞良吳元朗

四首

欲報涓埃誓寸衷承恩虛入建章宮殿庭濟濟簪  
裾盛臺閣翩翩唯諾同填海羽毛憐帝女移山畚  
鍤笑愚公才疎自合多憂患敢謂時清吾道窮  
牆東避世簡編俱小閣蕭蕭三徑紆攬蒞有心難  
止謗含沙無影易張弧陽和未見銷鷹眼咤叱猶

聞豎虎鬚三篋樂羊殊未已 君恩弘貸許江湖

攜來玉軸是恩波祇媿丹鉛舛誤多已敝精神遲  
輟簡欲翔寥廓避張羅殘春永夜鳴鶻鷁繁雨輕  
颺亂芰荷採得合歡方釀酒小窻微醉發高歌  
平生鼎鼎在風塵虛度韶華六十春杯漾弓蛇空  
妬影樓成海蜃總非真休將讒譖投豺虎尚把精  
誠格鬼神索取瓊茅還問卜浮湘千古笑靈均

癸酉八月許鶴沙王却非招往秦望山莊  
為耆年會賦謝

白舫青簾數往回漫云海國近蓬萊焚香永日惟

三百卅

倦園集卷九

六

十五

歌枕聽雨涼宵獨舉杯窮巷久無人跡到仙家新  
有鶴書來竚看蟾兔當三五洞府華觴許暨陪

發舟

舴艋乘潮白苧城似邀明月送吾行月明放櫂潮  
初減月落停橈潮已盈

八月涼風好射鵬秋光無限海雲饒錢塘瓜步飛  
銀浪那比春申浦口潮

十二日抵雲間盛誠齋先至共飲鶴沙宅

雲間二老稱王許相邀高會秦山渚佳客竭來盛  
孝章衰殘余亦叨邾莒秦山去郡一驛程茂弘丘

壑平生情方畱海嶠待賓至高陽開宴欣相迎是  
時華堂月未滿三君嘯咏何蕭散主人病起纔出  
門行藥不愁衣帶緩嘗笑百年偏局促眼底繁華  
如轉轂赤弩杯中慰杜宣鈞天夢裏聽秦穆對此  
秋光樺燭紅萬事消沈杯酒中一朝開閣遣羣婢  
舉措豈得非英雄玉宇迢遙夜將半憑簷雜坐光  
爛爛行酒無須命寶釵鉤簾不用垂銀蒜今宵方  
滯五茸城明日蕭齋更洗觥待得隨潮過黃浦此  
身彷彿在蓬瀛

儼齋招飲賢兄瑁湖宜園時瑁湖在江上

儼園集卷九

元

十五

三百四十二

學士新營梓澤園我來訪戴一停軒主人倚櫂南  
徐月今弟開筵北海樽密樹翠微懸鶴影繁花幽  
磔帶潮痕籃輿是處堪畱賞欲別徘徊日已昏

十三日鶴沙招飲園中

名園畦畛接瑯琊小徑衝泥引客車雲散微微金  
兔瘦露垂冉冉玉蟾斜病餘似更添詩興老至彌  
應戀物華明日潮平南渡口列仙許與酌流霞

十四日秦望山莊爲耆年之會各賦七言

六韻

今朝勝地稱高會故舊相逢樂未央碧澗幾重開

綺閣清輝欲滿照華觴當年論齒同裴相置驛邀  
賓比鄭莊密坐嬌歌傳白苧涼宵妙舞譜霓裳離  
離寶氣浮滄海隱隱香風下紫閭佳景到來宜浩  
飲堪嗤白髮對紅妝

十五日飲山莊

獨居寡懽愛多難積悲戚感爾惠芳評結言慰離  
析矧此風景佳明月三五夕信使如流星乘潮迎  
畫鷁余得尺素書開械心涌趨急裝赴高會當軒  
紛履烏余弟采薪憂同心阻良覲四老比商皓銜  
恩並奮激

憺園集卷九

十

卯文

皇仁閔臣僚覆露及踈逖逢時秉燭遊胡為事蹶  
踏陰雲揜望舒秋花亦寂歷良久吐清光皎皎圓  
皓魄宛轉絳樹歌髡歡飲一石勝事足繪圖千秋  
播芳跡

十六日却非送至郡城同飲鶴沙宅

安豐慣聽擢歌聲同醉朱堂繾綣情金魄昨看明  
鏡皎青霄今歎玉盤傾觴行正好分三雅簾捲無  
妨過二更似此風光殊不易一丘一壑足餘生

儼齋招飲橫雲同却非鶴沙誠齋令兄子

武即事

九峰繇邈泚水清橫雲石壁偏崢嶸平原兄弟實  
產此茲山獨以士龍名弔古長吟足惆悵平生仗  
節真豪蕩後來接踵興文儒千載風流稱哲匠瑯  
琊三俊邁機雲季領臺憲秀拔羣折柬相邀山閣  
讌酒鐺茶竈陳紛紜做廬迤邐百餘里婉孌崑山  
連谷水弱冠停驢騁望時飛樓綺榭存遺址細林  
山人招隱居有客戀賞焚銀魚十年磨壁題名去  
陳跡猶在增欷歔吾今滿酌為君勸圖經舊跡求  
文獻早營精舍翦荆榛寂寂無令猿鶴怨會看張  
謐落成時君應躡履還彤墀浩歌遺老頻來往薦  
與尊絲二陸祠

懽園集卷九

主

卯文

甲戌三月三日招同錢湘靈盛誠齋允悔  
庵黃忍庵王却非何涵齋孫赤崖許鶴  
沙周礪巖秦對巖諸公舍弟果亭禊飲  
遂園用蘭亭二字為韻

勝集羣公共采蘭杏花煙雨繫青翰歸田髮漸驚  
全白望闕心還抱寸丹佳節嘯吟行屐健晚春袂  
袂袷衣寒酒酣莫漫言辭去指數東吳此會難

梁鴻溪並陸機亭颿驛中間桂檣停谷水縈回環  
睥睨玉山蒼翠滿堦庭羽觴角觶休辭醉急管繁

絃莫厭聽請看秦符懸象緯熒熒南極老人星

紺池上人贈詩二首依韻荅之

黃絹江東廿載名五言真擬號長城今朝重晤年  
非老鎮日裁詩格愈清江渚煙波擊汰意春山淡  
蕩振衣情皎然持論維風雅早見前賢讓後生

嘉招同上木蘭船太史風流絕代傳

謂尤悔菴

此日東

都稱盛事就中如滿是高賢心忻神駿非關癖語  
涉鮮妍不礙禪舊蹟桃花方丈地開來弔古一悽  
然

憶昔行贈秦對巖宮諭

懽園集卷九

三

五重

繁花欲殘墮春雨嘉賓買艇來蓬戶衝泥黓燭出  
門迎泰伯城邊秦子羽憶共論交四十年尊前皚  
皚雪盈顛聽歌促坐溯疇昔玉堂才子稱神仙攤  
書雜誦謝人事逋稅急徵蒙吏議谿閣娛親長薜  
蘿湖湘推轂紛笳吹落拓終然一騎歸狂豪聊作  
五禽戲交章論薦拜舊官重侍馭娑與扶荔猶是  
先皇侍從臣銀魚壓帶

主恩新蜚語乍聞還薄譴一朝雨泣辭勾陳羽旂

雲罕巡吳會二泉靈蹟卿雲藹

御筆親教錦軸

藏詔詢黃髮停飛蓋詞林老宿寵注深却向蓉湖

守故林余也不才感漢落負慚覆載同茲心忝長  
六年數馬齒通籍遲公踰一紀撰史分燈金匱書  
吟詩並馬玉河水十載棲遲卧釣磯故鄉非遠見  
偏稀五茸昨歲張高會恨不招邀製芟衣休說論  
年未耆歲諸老相攀作春袂盧尹狄監故事存涑  
川亦造司徒第雀舫乘潮喜賁臨良宵燭跋漏深  
沈明發山園會黃綺感時賦事成高吟

贈禹鴻臚乞畫遂園修禊圖卷

廣陵禹鴻臚丹青藝稱最往余請急歸君返桂林  
旆馬首欲分塗迸淚灑清瀨余方志 皇輿請君

三十一  
慎園集卷九

重

子通

任圖繪成書歲幾稔還朝髮將艾屆茲暮春初禊  
事騰吳會良朋平生歡佳日弭飛蓋波光明亭館  
山氣紛蔚蒼早鶯啼花枝微雨濕衣帶羣賢觴詠  
餘執手寫肝肺騁懷非一端即事多感慨爾能託  
神契抗心風塵外千載李公麟畫理游三昧何爲  
讓古人辜負此良會少日祈盤桓持酒當階酌待  
君脫藁時吟詩送擊汰

舍弟園亭邀諸公小坐用蘭字

仲氏園池衆卉殘招尋倚嘯碧闌干懷人十載煩  
烹鯉倦客三江學藝蘭何幸同心逢令節翻憐久



病勸加餐獨嫌嵇喜真顏放題鳳無言謝呂安

同諸公過誠齋宅畱飲用亭字

繡衣八十尚窮經共說今時是歲星嘉禊鶯花當  
淑景名賢車蓋祝遐齡詩篇白雪題齋閣歌管紅  
霞結幔亭

是日庭中  
架閣張燈

勸飲羽觴須盡醉儘教千日不

須醒

題盛子昭輞川圖寄陳說巖先生

摩詰家輞口水流似車輞煙巒互縈帶池館足蕭  
爽圖成遺後來能事古無兩流傳閱人代衆史各  
規倣子昭最晚出粉墨非鹵莽神遊悟真契意外

三才五

懽園集卷一

五

子重

得殊像齒齒石稜分鱗鱗水波漾翠篠若含風青  
松似聞響繚垣轉平陸高甍跨虛朗房廊差雁翅  
樛扉罨蛛網林疑鹿跡交岡作犬聲想泉流徑未  
窮橋斷舟可榜琴書布閒暇壺觴紛來往有山書  
仙源無土非靈壤想當盤礴時手柔胸臆廣秋風  
御袂衣樓居聊偃仰插架錦標鮮展卷憶疇曩周  
廬入僦時聯步羣英上嶽嶽澤州公風懷常倜儻  
公餘出此卷傳觀各誇賞我時念江湖頗欲謝羈  
鞅林泉我分有社稷公可仗詎料賦歸來憂患與  
年長傷弓已摧翎擇肉猶舐掌緬思彼玉裴那便

此安享公方銜恤居寄聲同慨慷

山齋建蘭盛開有並蒂同心者二賦之  
殘暑菘蘭對酒卮名花爛熳傍堦墀雙成縹蒂含  
香迸密吐丹心帶露垂紉佩叅差看九瓣擢莖秀  
挺喜連枝平生漫說黃金斷對爾彌深俯仰悲

憺園詩集卷第九

懋園文集卷第十

奏疏

條陳明史事宜疏

臣等奉 命纂脩明史仰惟筆削大典徵信千載所關甚鉅臣等用是斟量體裁博綜故實考訂同異衡別是非撰成紀傳十已六七謹先繕寫本紀七卷列傳十五卷恭呈 御覽所有請 旨及題明事宜臣等詳議條列於左

一列代史書僅儒臣纂輯獨晉書之成唐太宗稱制論斷凡有四篇史家相傳以為盛事仰惟

二百六十二

懋園集卷十

一

漢洪

皇上以天縱之才啓斯文之運謨訓垂於雲漢制作炳乎日星稽古右文度越唐宗萬萬茲有明三百年興亡治亂之故久垂 睿鑒將以輝煌典誥表裏春秋定大義之折衷總羣言之會粹非由

聖斷無所知歸伏冀賜之 制詞增光簡冊不勝

大慶

一我

太祖肇基玉迹當明神宗之世自是以後

太宗奄定上京

世祖光宅寓內 皇略所布事幾相接而明世史  
臣紀載或多失實將欲翦其煩芘正其矯誣非  
窺 國史莫定是非乞 許恭閱 三朝實錄  
以便叅稽

一明之末造猥多秕政黨事滋起朝議紛紜而  
天啓實錄旣非全書崇禎邸鈔實多掛漏文獻  
漸已難徵野史不無遺舛竊謂兩朝是非之實  
難逃

皇上聖鑒之明擬將纂就列傳彙本仰請 睿裁  
惟 日月臨照之無遺庶袞鉞褒誅之有賴

一有明之祚訖于愍皇至福唐桂三王一綫雖  
在大命已傾然一代終始不可不詳也考之宋  
史瀛國降號尚從紀體而益衛二王即於本紀  
之後附爲列傳今以愍帝終本紀之篇三王從  
附傳之列削彼僭偽存其事績旣著覆亡之效  
愈明歷數之歸揆諸體例實爲允合

一周之頑民即殷之義士是以元紀宋事則張  
世傑陸秀夫文天祥謝枋得諸臣並見稱揚纂  
元史則余闕福壽石抹宜孫普顏不花之屬殊  
多褒美明之臣子當 大兵旣至尚敢奮臂當

轍可謂不識天命然各爲其主盡忠所事斯亦曩時頑民之比也我

皇上至仁如天無不容覆謂宜略其吠堯之辜取彼匹夫之諒量加撰錄無闕表章庶使亡國之遺臣得荷 聖朝之寬厚以上五條仰祈 睿鑒施行

恭進經籍疏

臣蒙 恩擢自通籍詞館十七年來伏見

皇上 聖性高明 聖學淵邃揆造化之奧蘊羅

簡策之菁英廣廈細旃時勤講究牙籤寶軸不輟

三百十

倦園集卷

三

頌洪

研求以故動垂法則言成典謨德業恢闕治功燁赫自古右文之世何能髣髴萬一茲者 綸言特

沛購采遺書又恐曲學異端詖詞雜進再下 諭

旨務得有裨經史之書 睿鑒卓然在廷無不欽

服臣盛事躬逢不勝忭慶謹將家藏善本有關六

經諸史者共十二種或用繕寫或仍古本裝潢成

帙仰塵 乙夜之觀臣葵藿微忱毫無補報藉茲

卷冊冀以少贊 高深所有恭 進書籍具列于後

宋朱震漢上易傳并圖說共十五卷以程頤易

傳爲宗兼采漢魏以下諸家謂王弼舊注襍入

莊老專尚文辭為非故於象數特詳

宋張浚紫巖易傳九卷極究聖人心法微詞奧義大約與程傳相表裏浚曾孫獻之又附以讀易雜說一卷通為十卷

宋魏了翁大易集義六十四卷先集邵雍周敦頤程顥張載之說而附載諸大儒語錄解義每一卦為一卷

宋曾種大易粹言十卷蓋合二程張載游酢楊時郭忠孝郭雍之書為一編而諸家語錄文集發明易義者并採摭焉此與魏了翁集義皆易解之至精純者

宋呂祖謙東萊書說十卷祖謙里居時嘗以書教授弟子其後因而筆之始自秦誓追沂而上僅及洛誥而止其門人時瀾取祖謙之說以補之遂成全書其言敷暢詳至最有裨益

元金履祥尚書表注十二卷引據精確可裨補蔡傳履祥作通鑑前編即自采用其說

宋李樛黃樛毛詩集解三十六卷二人本各有詩解樛之說多與樛相發明以故後人合為一編摭引既詳詞極暢朗

宋趙鵬飛春秋經筵十六卷鵬飛以求經者當求聖人之心所謂筌者心也故名之經筵頗能貫穿全經發聖人筆削之旨

宋王與之周禮訂義八十卷其學本之程頤張載兼采注疏以下五十家依朱熹集注例先訓詁次文義周禮疏義于此全備真德秀為之序宋蔡節論語集說十卷其書兼綜諸家而于二程朱熹張栻之言尤得其精髓文雖約所該甚博云

宋李燾續資治通鑑長編二百六十八卷燾倣

司馬光作用力四十年事覈詞約宋儒葉適以為春秋以後惟有此書書久散佚海內僅有存本元明時作續通鑑及綱目者購訪不能得皆未見此書允稱史家秘乘

唐開元禮一百五十卷集賢學士蕭嵩王仲丘等奉敕撰蓋折衷貞觀顯慶二禮而為之有唐五禮之文于是大備用以設科取士周竇儼稱是書與通典會要三者皆經國之大典以上共計二十六套一百九十二冊特具疏恭

進仰祈 睿鑒采納施行

文治四事疏

臣等躬際 熙朝職居 禁近自愧譎陋無能仰  
裨 休明謹以管蠡窺測所及敷陳四事唯

聖慈垂擇焉一宮詹之設由來尚矣古者六傅之  
官詹事居一由漢迄明代有沿置我 朝因之未  
之改也順治十五年內

世祖章皇帝以無職掌暫行裁革然暫也非永也  
故事院府坊局體屬班聯大僚領其事詞垣兼其  
職分秩不分署增職不增員制誠善也年來銓憲  
諸臣疏請議復未蒙 俞旨伏覩 國家聯常綦備

三言十

儲園集卷

六

九

端尹率更之司豈宜獨闕幸 降德音復舊制官

常以全國體以重矣一詞臣以文學侍從為職代  
言待問固其事也唐太宗置弘文館于正殿之左  
精選文儒更日值宿聽朝之隙引入內殿討論商  
略或至夜分乃罷宋臣司馬光言于其君曰陛下  
英睿天縱然於當世士大夫未甚相接宜詔侍從  
近臣輪直資善堂備非時宣召廣裨聰明明臣張  
居正請如唐宋故事今翰林官分番入直奉侍清  
燕陳說治理至我

世祖章皇帝斷自 宸衷 特命于景運門內蓋



造直房令翰林官分班直宿以備顧問

皇上誠踵而行之匪獨親儒之盛事亦覲揚光烈之大端也一載籍者天壤之精華而邦國之文憲也周禮太史掌建邦之六典外史掌四方之志三皇五帝書三代而降修文好古之主亦雅務訪輯漢武帝建藏書之策後天祿七略凡三萬三千九十卷唐貞觀中魏徵等請購天下書迄開元經史子集四庫爲卷五萬三千九百一十有五宋三館併玉宸四門殿各有書卷萬餘仁宗作崇文院一做開元庫貯編列四部而最其目高寧之間卷

幾六萬視崇文總目有加明初下求遺書之令永樂中益廣搜採秘閣所藏不下十萬卷有奇吁盛矣國朝人文蔚興幾于彬郁然而蘭臺石室墳牒蕩然一旦朝廷有事于述作詔稽古儒林載筆石渠蒐討掌乘以潤色皇猷其亦何以資緇翫備參訂乎乞敕直省學臣照中秘書多方募購解送禮部自內府文淵尊經等閣及翰林院國子監等衙門皆如法充貯設典掌校讎諸司散落脫亂有罰焚蕩滛爛者罪仍懸獻書之賞置寫書之官以羅致遺逸鴻都虎觀之盛奚難再覩

于今茲耶一勝國之史成于 昭代以監隆污以  
垂法戒所關至鉅

世祖時有詔開局纂修而發凡起例尚未之講近  
者天啓崇禎二朝邸報及裨乘可備采錄者亦既  
漸集 闕下矣恐久之卷軸磨滅文獻凋零世遠  
蹟湮無從考究請 敕館閣儒臣發金匱之藏分  
科簪筆仍旁稽軼籍廣辟宿著詳慎編摹勒成信  
史斯一代之 盛典光千秋之金鏡備矣之四者  
頗鄰于迂濶渺當然方今

聖學日新 文運正泰經生之言不無涓滴之補

三十九

慎園集卷十

八

巨甫

易曰文明以正人文也然則化成天下此其時矣  
皇上留神省覽 立賜施行臣等幸甚斯文幸甚

乞歸第一疏

奏為

聖恩深重頂踵難酬犬馬下情不敢不奏仰祈

睿鑒準令回籍事臣一介庸愚麤曉文史年近六  
十學殖益荒賦性拙迂並無一人援引值

聖主右文累次拔擢自惟遭逢不世感激矢報職

掌所係務殫區區但知酬恩未肯諧俗苞苴餽遺

一切禁絕告戒僚屬曠日如明近者前任楚撫張

汙橫肆汙巉砥以臣為憲長却其幣問又屢諭臺  
員有聞即當彈劾是以銜恨誣攀張弧載鬼昔第  
五倫之被謗直不疑之受嫌比之于臣殆為過之  
所幸

皇上坐照之明鑒臣悃惓當眾官傳問供語參差  
駕虛鑿空良心難掩隨即發露自吐實情然非

聖明在上青蠅白璧幾至混淆此臣所以感戴

弘恩日夜隕涕者也臣備位卿僚荷膺 寵眷廼

為貪吏誣搆有損 國體辜負 知遇顧影自慚

皇上覆載之仁不加譴斥臣復何顏出入 禁廷

有玷清班臣引分自安始願有限當入仕之始常  
懷止足之思重蒙 國恩欲言未忍自遭毀謗仿

徨惕息中宵憂嘆不遑寧處臣聞君之於臣猶父

之于子也子之情可直告于父臣之情可直訴于

君

皇上之于臣死生而骨肉之不啻如父子矣故事

京官在任五年者許給假遷葬臣自母喪服闋趨

赴 闕廷于今年矣瞻望松楸四時哀戀兆域

未妥久欲告歸改卜加以犬馬齒衰頭髮無黑筋

力倦敝精銛耗竭本計辭榮兼懷避辱不得已歸

誠

君父仰惟

皇上孝治天下海內之人莫不油然而興起臣丘壠之慕實切于心觀感興懷不能已已伏冀聖慈洞鑒愚誠放歸丙舍不勝激切待命之至

乞歸第二疏

臣賦性迂近受性庸愚進無經世之略退乏藏身之智孤根特奮動與時乖遭遇

皇帝陛下天地容覆山川受輸脫畧大端抽揚小美時當臨朝聽政之際顧視羣臣過加獎拂學

三百三

澹園集卷十

十

廿四

術本踈于寇準而常歎稽古之勤通達每媿于賈生而繆許經時之策溫綸寵賜溢分踰涯雖復

木石爲心麋鹿成性覆露之下應知感德況臣自少讀書麤知義理塗肝剝腦豈足云報自受任以來忘其駑下勉自鞭策始以編削之役從容禁近繼以皮屐之用周歷臺端居心但有朴誠遇事不爲聊且所媿才諳有限智慮不殖縱竭微忱無能報稱至于狗國之誠夙夜永矢皇天后土實鑒之者也伏惟

皇上以不世出之姿具大有爲之略行政必期于

獨斷用人不惑于浮言臣自官侍從躡躋今職率皆上鑒于

聖明未嘗先容于左右而寵盛忌深道乖和寡如今者楚撫張汧之獄干連矯誣橫被汙蟻雖舉朝信其生平而機藏不測禍發無端若非

皇上燭其潛姦憐其素履則黎丘之地愛子含冤楚水之涯貞臣受僇矣臣惟古者帝堯之明憂心讒說成王之聖惑志流言

皇上運日月之明普乾坤之量使硜硜之諒復得明白斯孤臣之所以感激流涕至于泣血者也匹

夫相要尚相終始况沐

三才

瞻園集卷十

十一

子重

皇上生成大德豈敢憇然言去但臣引分自安始願有限重蒙 國恩備位九列于榮多矣語曰居高者危位峻者顛誠恐一旦復有媒孽之言朝夕浸潤變亂黑白雖不足以淆惑

聖明而忌者愈衆臣身愈危是以中夜憂歎不遑寧處也故事京官在任五年者許給假遷葬臣自母喪服闋趨赴 闕廷於今年矣瞻望松楸四節哀戀兆域未妥久欲告歸改卜俯計日月又已倍期仰惟

皇上孝治天下事居送往動循禮典海內之人莫不油然而興起臣丘壠之慕實切於心觀感興懷不能已已伏冀

聖慈洞鑒愚誠準假回籍不勝激切待 命之至

遵旨回奏疏

本月十八日都察院左副都御史許三禮一本為聖主必須賢佐等事二十一日奉 旨這所奏事情著徐乾學明白回奏能賜履原係簡任大臣朕所深知已經起用現在丁憂許三禮乃請乞即召用輒薦大臣殊屬不諳著飭行該部知道欽此臣

三多七

澹園集卷十

十一

子重

自惟一介寒微荷 恩深重迂鈍成性橫被人言皇上不即處分令之回奏臣戴高履厚感激涕零敢一一為

皇上陳之臣孤踪拙守游膺右職被荷

聖恩有踰常分自念遭逢

堯舜之主惟願少報涓埃自學士歷部院事事謹凜杜絕陋弊一時諸臣所共聞見憲臣謂臣律身不嚴致罪臣張汧所供臣若果受張汧一錢臣甘寸磔祇以臣為臺長聞知張汧狼藉屢向僚屬片言其非汧知而恨臣遂肆誣讒幸蒙

皇上洞悉臣以性不諧俗遭人嫉忌具疏懇辭求  
還田里蒙

皇上隆恩以臣麤知學問准解部務仍領各館總  
裁臣杜門謝客早夜編摩六十之年焚膏繼晷咯  
血反胃病勢多端其兢兢不敢少懈者總以俯竭  
愚忱仰報萬分之一每隔數日入直赴館與高士  
奇等奉 旨共訂書史校讎 御選古文此外並  
不相見臣在任之日尚且嚴絕苞苴豈解任以後  
反行招搖納賄憲臣謂臣優柔繫戀潛住長安臣  
忝冒眷遇非可潛住之人京輦都會非可潛住之

地又謂乘留修史為名出入禁廷臣留京有 俞  
旨總裁有專敕修書非可託名禁密豈容輕入且  
忽云潛住忽云招搖皆臣所惶惑不解者也臣子  
樹穀赴考原經吏部題請奉 旨一體考試其時  
大臣子弟與考者不止臣子一人臣子現在供職  
豈敢違 旨不考臣弟元文又經奏明重蒙 特

恩親裁簡用聖明在上安得朦朧與考此等情節  
皆在 睿照之中大小諸臣並所稔悉不知憲臣何  
獨以此苛責于臣也總之臣賦質愚魯惟知上報  
國恩平時好講忠孝大義言論時或激切易以

招尤臣年衰病劇憂患積侵屢欲乞歸林樊係其餘齒惟是

主恩極重極深犬馬戀戀是以未敢求退忽遭論劾清夜負慚伏乞

皇上立賜退斥亟還田里并罷臣子言職以安愚分臣不勝惶恐待命之至

### 乞歸第三疏

聖恩之高厚難報微臣之晚節宜全輸誠呼籲仰祈俯准歸田以延臣殘喘事臣本江介迂儒濫居詞館二十年來洊膺卿列榮寵逾涯致人嫉忌皇上聖明洞鑒得以昭雪隨具疏哀懇乞休蒙皇上解臣部務仍留總裁書館不敢復瀆

天聽衰暮之年黽勉從事邇來精神衰耗漸不能支且以先人瑩域水齧五內煎迫遂成咯血翻胃之症屢欲再申前請祇以受恩深重犬馬之情依回戀主未忍決去久在

聖明照察之中憲臣許三禮前因與臣議先賢先儒坐位其言不合經典臣于九卿奏對之時斥言其非本以公事相爭不謂觸其私怒起於睚眦之



未成是貝錦之傷始以叅奏不實部議降秩復捏造事欸逞忿劾臣自非

皇上至仁至明豈能保全其性命臣感激涕零伏地嗚咽竊聞孔聖之信顏子猶致疑于拾塵慈母之愛曾參尚未免于投杼至于君臣之際史書所載貞臣志士以偶然譖愬致嬰禍譴者詎可勝數獨何幸遭逢

聖君日月之照洞燭幽隱鑒臣銜冤與之前洗闔門感泣欣荷再生又伏自念

皇上之豢養臣者深矣厚矣培護臣者至矣盡矣

君父之恩罔極難報而媚嫉之人所以媒孽臣者何可周防臣若因循居此更有無端彈射豈敢終望 恩憐言及於斯心神戰栗伏乞

皇上憫臣之愚終始矜全使得保其衰病之身歸展先臣丘隴臣不勝至幸臣總裁會典業與諸臣編輯告成明史屢經易稿臣弟元文現領史局自可與諸臣商確成書至于一統志考究略有端緒臣今方寸蒼亂不能復事丹鉛

皇上若放臣還里旣遠危機復得閒暇願比古人書局自隨之義屏跡編摩庶得及早竣事展布心

力少報萬分之一

皇上所以留臣者祇以諸書之未竟而臣自分歸田之日可以優游簡冊展布心力仰副

皇上之盛心即臣螻蟻微誠所以仰答高厚萬分之一者將于是乎在為此瀝血披陳不勝悚息待命之至

### 備陳修書事宜疏

管理修書總裁事務原任刑部尚書臣徐乾學謹

奏臣於本年十一月二十二日具疏乞休二十六日奉旨一統志關係重要紀載務須詳核宋元通

三百六

懋園集卷十

六

九上

鑑原書牴牾舛錯議論多偏卿學博才優參訂考據確實纂集進覽這所奏俱依議行該部知道欽此臣淺識庸材叨蒙眷遇茲者請乞骸骨恩綸聽允仍許攜帶書籍命之編輯

聖德高厚頂踵難酬昔唐張說即家修史宋司馬光歸洛著書臣愧非其人竊思自勉敢不竭其駑鈍以副

皇上委任至意所有編輯事宜敢抒管見為

皇上陳之

一大清一統志備載天下山川郡邑政事風俗

用昭我

皇上車書一統之盛貫穿古今有裨治理關係匪淺元代所輯號為精詳今已不傳明一統志疎漏舛錯難以勝舉臣向來從事書史不敢師心自用必博訪舊聞遺獻冀逭愆尤自茲僻居山野見聞漸稀加以精力就衰更需一二相助現在纂修一統志明史支七品俸臣姜宸英臣黃虞稷學問淵博文筆雅健並以寒士蒙 恩俾與纂修在館十年尚未授職分輯一統志已有成緒若得隨往襄助一如在館供職庶編輯

易成事竣之日仍赴史局似為兩便其所修一統志陸續繳送俟館閣諸臣詳定彙呈 御覽

一

本朝功德隆盛聲教遐訖幅幘之廣亘古所無外蕃各國例宜備載今自朝鮮琉球安南等國尚易考究惟 盛京邊外所轄地方及奉貢諸部凡沿革風俗山川物產無有故牘可稽乞 敕在館諸臣撰成艸藁寄付與臣一體編入

一一統志例載

本朝人物凡 朝廷恩卹大臣及德行卓絕者理

應採錄但臣愚昧淺見不敢輕爲出入應俟在館諸臣公同酌定

一臣所輯明史正德嘉靖兩朝列傳及地里志職官志藝文志今已脫藁其河渠志儒林文苑等傳容臣一并帶回編輯繳送史館

一宋元通鑑明臣雖嘗有編纂者如商輅薛應旂王宗沐諸本或詳略失宜或考據牴牾或名姓互殊或月日闕謬皆不可爲典要臣不揣固陋有志改修今已得十分之三臣回籍時亦當加意纂輯博採正史雜史及諸家文集雜著諸書參考同異辨証是非仍做司馬光通鑑例作目錄考異彙爲一書恭呈 御覽

以上諸書卷帙繁重未能克期俱竣臣雖衰病務必殫心考索期無舛謬臣荷

皇上隆恩無可酬效苟存視息早夜編摩敬抒一得之愚以成千古之論涓埃展報實在於斯臣謹一一奏明仰祈 聖鑒施行

臣工修省宜勤疏

竊惟天道遼遠而聽則卑人心微渺而動輒應邇者畿輔之地雨澤愆期二麥無秋三農失業

皇上軫念民依焦勞日夕不以為歲運之適然務求夫感格之至理省刑釋繫蠲負施恩蕩滌瑕垢與民更始而又恭默內省減膳撤懸却尚衣之御屏燕寢之安震動恪共宮府交警而又先甲齋宿雩祭南郊親舉玉趾步自宮門盡瘁憂民損紕尊重所以大禮攸行甘澍旋降四郊遍被上下沾足夫惟

皇心既一 天監在茲雖三代聖王桑林之自責雲漢之靡寧赫明協應呼吸可通未有如是之至神且速也伏念臣等內外臣工未能以

皇上之心為心政或有未平事或有未允或具文而鮮實或勵始而怠終

皇上示儆旱魃為災上貽 君父之憂職此之故  
非

皇上之至誠何以挽回 天意億兆更生謂宜鑄責群僚俾知引咎又蒙 浩蕩不加督過

聖德至隆

主恩至渥竊謂自今以後內外臣僚宜深竊祿之慚勿懈省躬之志毋以天變既回遂可宴然無事務期益矢乃心厲乃職庶以仰贊一人少分猷念

則天心愈眷玉燭常調矣

### 嚴察軍政疏

竊惟設兵衛民者 朝廷之制潔已卹軍者將帥之責如或將帥不賢營圖賄賂勢必扣餉剝軍悖違法紀我 國家軍政大典五年一舉自提鎮以至千把總莫不詳覈賢否大行黜陟法甚嚴而意甚厚然軍政所以剔弊也而從來將帥每借以行私為弊滋甚臣聞軍政造冊之歲不肖提鎮往往託稱公費責索下屬大將則派於偏裨偏裨則派於小校小校則派於營伍於是扣其每年錢米扣其每季芻豆窮卒吞聲無從控訴又或伍籍逃亡不補不報冒銷餉廩積儲私家及文冊到京之日則多挾賄請託希脫糾駁又有蠹胥姦棍乘機騙誘代通關節包攬分肥而士卒之衣食已半入私橐半供賂遺矣夫 國家振肅紀綱之法而將帥乃借以營私其於憲典尚可容乎此皆從前積弊我

皇上日月同明所燭照而洞晰之者也臣荷

聖恩特擢俾司憲紀茲當軍政方行敢不夙夜兢兢

矢澄夙弊業與同官告勉各道御史同心釐剔凡

有官弁饋送苞苴及蠹棍關節包攬等情苟得人  
贓實証即行指叅以期不負我

皇上整飾綱紀之意但恐將帥狃於陋習斂派如  
故卽如昨見雲南鶴慶總兵王珍奏許本內有會  
造軍政冊籍各營派銀不等需索逼追等語雖虛  
實未定亦可見遠徼蠻荒猶有此等名色其他可  
知臣竊思邊疆之弊旣隔遠而難知賄賂之行又  
曖昧而難察且輦轂之下五方雜處雖加禁飭  
未易緝查至於官弁派斂則必累及窮兵一遭剝  
削衆口騰沸彼地方大吏豈有未知伏乞 敕下  
各督撫備細採訪如有仍前派費者毋論大小將  
吏立行據實入奏儻扶同徇隱事發之日一併嚴  
加議處如此則窮陬遐澁無不知 朝廷體卹軍  
伍之盛心而各官亦稍有顧忌不敢恣意苛派賂  
遺息而扣剋清卒伍安而風紀飭矣

糾朝鮮陪臣疏

禮部為請 旨事據朝鮮國差來陪臣議政府右  
議政鄭載嵩禮曹判書崔錫鼎司憲府執義李整  
等呈為仰陳小邦不克幸甚民犯科越境挖參致有鎗

奏事竊照小邦不幸茲民犯科越境挖參致有鎗

傷官役之變客歲

皇上敕旨極其嚴峻我寡君驚惶隕越措躬無所  
申飭邊吏另遣近臣拏獲各犯人等公同 敕使  
一一查究罪狀昭著王法將行我寡君奉承 朝  
命竭力緝捕之誠庶幾自暴於 天日之下矣乃  
者職等行到遼西逢著回還節使得聞以 敕使  
還 朝後議奏已經本部覆題至有致罰寡君之  
事而皇華之奏貴部之題辭語切至無非譴責寡  
君之意云職等聞來不覺愕然而驚心慙然而失  
圖等因具呈到部該臣等議得 國家懷柔萬方  
遐邦絕遠皆聲教之區覆載以內無非赤子朝鮮  
僻處東服叢爾一隅夙奉車書浸潤膏澤自

太宗皇帝時向風慕義我 朝念其悃誠恩禮優  
渥後乃背德違理包藏禍心是以仗義執言聲罪  
致討棲其主於山城俘其妻子彼國勢窮蹙立見  
滅亡我 國家曲賜矜全推誠示信還其故主復  
彼舊都起烟焰於寒灰生華萐於枯木興滅繼絕  
德孰大焉

世祖皇帝湛恩汪濊洋溢方外記人之長忘人之  
短憫其僻遠地瘠民貧特減貢賦之半八分貿易



亦復禁止即充庭奉贄方物載在典章祇存其名  
屢行蠲豁卹小柔遠之義亦已極矣至於我  
皇上御極益惟

祖宗深仁至意重加存恤寬厥土貢釋其罪罟往  
往捐棄積愆偕之大道凡以厚屬國惠遠人也其  
在朝鮮奉 大國之聲靈安居暘谷之域當念  
累 朝興復之殊恩撫循之至德恪守藩翰夙夜  
虔共庶無隕越以滋咎戾顧乃其君昏懦其臣恣  
肆玩愒驕惰習以成風棄禮忘恩匪惟一事臣等  
每聞使臣至彼不遵先年所定儀注其國王或迎

而不見或偃蹇不迎天威咫尺之義謂之何哉往  
者陪臣來京違禁私購野史以有癸亥年伊國廢  
立始末妄請刪改宴賞之際肆厥狂言夫史者天  
下萬世之公也考實直書不憑野乘有其事者不  
得爲隱無其事者自難緣飾公義所在寧徇私請  
而又妄稱日本來伐伊國乞師救援徐而察之略  
無聲息先年曾騰童奏託言備倭煽惑欺罔是其  
故態方我 國家小醜未靖興師征討之時復騁  
浮詞矚我虛實其心尚可問乎夫藐信使而不見  
至無禮也褻誅鉅典輒以私干宴賞頒行恣情要

挾大不敬也日本原無侵伐之舉而妄行疏奏是罔上也積有重釁應即重懲

皇上念其狂愚悉從矜宥在彼君臣感激激圖報當復何如乃邇年以來邊界姦民屢干法禁一國之長若罔聞知且又借端請乞言非情實去年更有姦民韓得元等公行採參擅放鳥鎗邀截官役殺傷至死揆諸國法難以再宥

皇上始遣大臣會同嚴訊違禁姦人從重擬罪國王一并察議猶念小民犯法其主或未之知僅以約束不嚴罰鍰示警乃鄭載高等猥賤陪臣輒

妄爲其主求寬擅具呈臣部無禮已甚臣等詳閱其詞無知虛誕文理茫昧背經拂義徒欲矜其蛙聲以驕語國人而不自知其鄙倍至於此極也臣等謹指摘其謬戾不止一端

太宗皇帝稔悉朝鮮心懷狡詐其陪臣辭意矜夸是以留其質子執其罪人其或調發違期藏匿不軌震怒詰責若發雷霆聞命驚惶喪其魂魄

爾時彼國刑賞黜陟皆稟朝廷其子孫臣民亦豈不知徒以哀憐新附之國苟非大戾事曲矜如崔孝一林慶業而外麗於罪罰者不一而足輒

施浩蕩之恩以示寬仁之政及

世祖皇帝以來朝鮮人作姦犯科越界違禁採參及買禁物硫黃之屬定厥罪名多從輕典惟康熙五年容隱逃人一案罰銀五千兩用伸國紀六年進貢紙張不堪罰銀一千兩二十年義州人違禁採參二十四年妄請罷買牛畜臣部皆議罰銀萬兩

皇上槩從矜免未即依行想以恩倖屢邀人情恣縱朝廷原詘法以申恩在彼則怙恩而蔑法不深思該國之負罪滋甚而以從前之姑寬者為例反謂無可罰之情何其謬與我

聖明在御睿照如神賞不遺卑賤罰不貫貴近況從來令甲部伍有罪鈐轄者必受其辜雖在懿親未常寬假用以明罰飭法綱紀四方胥是道也朝鮮雖小國屢犯禁令豈得曲為彼貫以翫此法哉且國王惟諉於不知故用罰金之條若使知情故縱罪寧止此彼謂小國亦有人民社稷若以譴呵為恥不思彼國服屬五十年淚水以外皆我肇域庶幾邀福我朝保其裡祀其人民社稷誰實界汝而可肆然夸大其詞耶至于濫引經史尤多狂

悖書曰宥過無大然又曰刑故無小今屢犯禁不悛至戕害我人此過乎抑故乎

皇上猶矜憐其非故而姑示薄懲彼乃不辭以大過自居而妄求寬於君父其狂悖一也春秋原情定罪乃衛侯燬滅邢胡安國傳文其解經特重衛侯之罪言其情不可恕也春秋原情之輕重無有假借

皇上軫恤邊氓該國所悉也而輒肆毒害曾無忌憚其王之罪尚可恕乎謬引先儒之語而不知春秋誅貶之義其狂悖二也刻印銷印是楚漢方爭

君臣未定之謀豈所語於天朝令出惟行信賞必罰之大政其狂悖三也易曰渙汗其大號言號令如汗汗出而不可反也劉向之規其主正謂出令不踰時而反是為反汗此人主之大戒也今乃云亟賜反汗其狂悖四也引書伊尹言匹夫不獲自盡而妄撰為聖王恥之亦非臣子引愆謝罪之所宜言其狂悖五也夫彼國雖小君臣之分繫豈獨無即使果有冤抑該國王本是外臣應上章自明乞哀祈請豈有么麼卑賤不告其君而輕弄筆端橫開禍始皆由其國主弱臣強已非一日若非

我朝屢為護持不知幾見篡竊鬼域面目魑魅  
伎倆其在彼國既習為橫逆無所逃死輒自露于  
光天化日之下我

皇上視薄海內外為一家申大倫行大義亦不容  
使外服有此無君之臣法在有司必罪無赦相應  
將鄭載嵩等嚴拏發與該國王從重治罪并將此  
情節一一傳與該國王知悉可也

愔園文集卷第十

愔園集卷十

三七

巨甫



